

Norges forskningsråd
Postboks 564
1327 LYSAKER

Dykkar ref

Vår ref
24/4134-10

Dato
13. januar 2026

Tildelingsbrev fra KDD til Norges Forskningsråd

Innleiing

Kommunal- og distriktsdepartementet (KDD) gir i dette tildelingsbrevet styringssignal og tildeler midlar til Noregs forskingsråd (Forskningsrådet) for 2026. Vi viser til Prop. 1 S (2025–2026) og Innst. 16 S (2025–2026), vedtatt i Stortinget 16. desember 2025 i samsvar med innstillinga. KDD viser også til tildelingsbrev til Forskningsrådet frå Kunnskapsdepartementet (KD) som etatsstyrande departement.

1. Mål, strategiske område og styringsinformasjon for Noregs forskingsråd

Forskningsrådet har fem mål:

- Mål 1: Auka vitskapleg kvalitet
- Mål 2: Auka verdiskaping i næringslivet
- Mål 3: Møte store samfunnsutfordringar
- Mål 4: Eit velfungerande forskningssystem
- Mål 5: God rådgjeving

Når det gjeld omtale av styringsinformasjon for dei fem måla, viser vi til Kunnskapsdepartementet sitt tildelingsbrev som etatsstyrar, punkt 2 Mål og styringsinformasjon. Styringsinformasjon (dvs. ulike dimensjonar) knytt til sektoransvaret går fram av krav til årsrapport 2026 (departementsvise rapportar), jf. vedlegg 1. Vi viser til punkt 5 Rapportering og resultatoppfølging for 2026 i dette tildelingsbrevet for presisering av kva sektorpolitiske prioriteringar KDD ventar at Forskningsrådet skal rapportere på.

2. Sektorpolitiske prioriteringar

Tildelingane frå KDD til Forskningsrådet skal i særleg grad medverke til måloppnåing under mål 2: Auka verdiskaping i næringslivet, mål 3: Møte store samfunnsutfordringar og mål 4: Eit velfungerande forskingssystem. På KDD sine område heng desse måla tett saman.

Tildelinga skal medverke til å utvikle kunnskapsgrunnlaget for eit sterkt og velfungerande demokrati på alle nivå; nasjonalt, regionalt og lokalt, med effektive, tillitsskapande og berekraftige kommunar. I dette inngår forskning på forholdet mellom stat og kommune, statleg styring og kommunesektoren sine økonomiske og juridiske rammevilkår. Tildelinga skal medverke til god samfunns- og arealplanlegging og forvaltning, næringsutvikling, verdiskaping og attraktive arbeidsmarknader i regionar og distrikt. Forskinga skal vere relevant og nyttig for dei som førebur og fattar vedtak og andre brukarar, og for offentleg debatt. Forsking som gjeld samar og nasjonale minoritetar skal vidareførast, det same gjeld valforskningsprogramma (Stortingsvalundersøkinga og Lokalvalundersøkinga)..

KDD har dei seinare åra valt å organisere bustad- og bygningsforskinga i eigne senter utanom Forskningsrådet. I tillegg er ein del av løyvinga til Forskningsrådet knytt til stortings- og lokalvalsundersøkingane og kapasitetsløft. Det er viktig at nye tildelingar medverkar til å komplettere kunnskapen innan KDD sin portefølje.

Forskningsrådet skal følgje opp kartleggingsrapporten «Forskning med relevans for distriktsutfordringar og regional utvikling» og styrke kunnskapsgrunnlaget for distrikts- og regionalpolitikken gjennom forskning om distriktsutfordringar og regional utvikling. Vi viser spesielt til dei framheva områda demografiske endringar, grøn omstilling og klima, digitalisering og innovasjon, samt infrastruktur og bustadmarknad.

Sjå også oppdrag på kap.4.

3. Tildeling for 2026

KDD stiller med dette midlane nemnt nedanfor til disposisjon for Forskningsrådet i 2026. Forskningsrådet har fullmakt til å disponere midlane innanfor tilsegnsskema på kvar enkelt post og i tråd med styringssignala som går fram av tildelingsbrevet. Forskningsrådet har ansvar for å prioritere innanfor tildelinga for å nå måla. Departementet tek atterhald om at Stortinget kan vedta budsjettendringar i løpet av 2025. Avvik fra spesifikke føringar i tildelingsbrevet og/eller vesentlege omdisponeringar skal alltid takast opp med departementet som tildeler midlar.

Kap. 500, post 72 Norges forskningsråd	Kroner (mill)
Løyving	78,7
Tilsegnfullmakt	213,7
Tilsegn	79
Kap. 285, post 72 Norges forskningsråd	
Eittåring tildeling for innhenting av kunnskapsgrunnlag	2

Kapasitetsløft skal ha ny utlysing i 2026, med tildeling i 2027. Departementet ønsker dialog med Forskningsrådet i forbindelse med utlysinga.

Regionaløkonomiske modeller er finansiert til og med første halvår 2028. Departementet ønskjer i 2026 dialog med Forskningsrådet om hensiktsmessig vidareføring og utlysing.

4. Driftsutgifter og særskilde driftsutgifter (kap. 285 post 01 og 21)

Driftsutgiftene over Kunnskapsdepartementets kap. 285 post 01 og post 21 skal dekke alle kostnader til drift av verksemda til Forskningsrådet, dvs. alle kostnader som ikkje er tilskotsmidlar som skal fordelast vidare. KDD viser til Kunnskapsdepartementets tildelingsbrev som etatsstyrer for nærmare framstilling av kva oppgåver som Forskningsrådet skal ivareta for departementa innanfor ramma av midlane på postane for driftsutgifter.

Forskningsrådet skal i 2026 kartlegge kunnskap om produktivitetsutviklinga i byggenæringa, og utarbeide eit grunnlag for vidare innretning på arbeidet med å fremje produktivitetsutviklinga i næringa. Departementet har etablert dialog med Forskningsrådet om oppdraget. I tråd med retningslinene for styring av driftsutgifter i Forskningsrådet vert det i 2026 gjort ei eittårig overføring på 2 mill. kroner frå Kommunal- og distriktsdepartementet sitt budsjett til kap. 285, post 21 på Kunnskapsdepartementet sitt budsjett.

5. Rapportering og årsrapport

5.1 Årsrapport

KDD ber om rapportering per kapittel og post retta inn mot departementet sine sektorpolitiske prioriteringar, slik dei er utdjupa i punkt 2.1 i dette tildelingsbrevet. KDD er særleg opptekne av at forskinga skal vere relevant og nyttig for dei som førebur og fattar vedtak og andre brukarar, og for offentleg debatt. Rapporteringa på bruk av midlane skal skje i tråd med krav til årsrapport, sjå vedlegg til Kunnskapsdepartementets brev som etatsstyrar.

5.2 Innspel til dei årlege statsbudsjettmilepælane

Forskningsrådet er fra og med 1. januar 2025 bruttobudsjettert med tilsegnfullmakter. Forskningsrådet skal i samband med førebuingar til dei årlege statsbudsjettmilepælane utarbeide anslag for tilsegnsramme, tilsegnfullmakt og løyving, samt synleggjere oversikt over samla fleirårige forpliktingar per tilskotspost. Vi viser til pkt. 5.2. i Kunnskapsdepartementet sitt tildelingsbrev som etatsstyrar for 2025 om innspel til dei årlege statsbudsjetta, inkludert leveransar av innspel og tilhøyrande fristar.

5.3. Styringsdialog

Det blir lagt opp til eit kort møte om årsrapport og eventuelle avvik i juni, eventuelt med påfølgande fagmøte, samt styringsdialog i november. I tillegg vil det vere behov for kontakt knytt til innspel til statsbudsjettmilepælane, og fagdialog på enkeltområde.

Med helsing

Finn Jensen (e.f.)
avdelingsdirektør

Anny Skarstein
utgreiingsleiar

Dokumentet er signert elektronisk og har derfor ikkje handskrivne signaturar

Kopi

Kunnskapsdepartementet
Riksrevisjonen